

無錫張聿青先生醫案



張氏醫案卷七

無錫張乃脩聿青著

門下士江陰吳文涵玉純編輯

門下士江陰邵清儒正蒙附註

門下士無錫周鎮小農參閱

後學江陰郭彙泰級欽增校

痰飲

許左 天氣溫和。頭暈輒劇。曾經見紅。知係火風。甘涼頻進。以胃藥治肝。火風雖得稍殺。而脾陽爲之暗損。旋運不及。遂致胃中之水溼停留。胃脘痞阻。甚則嘔吐。脈象沉絃。停飲之兆。久恐延隔。

製南星 赤白苓 淡乾薑 製半夏 煨天麻 川雅連 白蒺藜 炒

枳殼 竹茹 姜汁炒 白金丸 三分先服

薛左 腹中漉漉。飲象也。口吐延沫。良以胃氣虛寒。津液不能約束。其來也漸。

則其愈也難擬以丸藥緩調。

陳半六君丸 每晨服三錢 益智仁 一錢 生薑 三片 煎湯送下

楊左 停飲內阻。火被水抑。不能蒸變。以致穀食不化。涌吐而出。土爲火子。命火不治。則脾土不運。大便頻泄。脈沉細。右尺更甚。宜理中陽。

潞黨參 一錢五分 炮薑 五分 製附片 五分 炒於朮 二錢 炙甘草 三分 白茯苓 三錢

煨木香 四分

虞左 水飲停留。控之不出。攻之不行。刻下食入倒飽。中脘痞脹。汨汨作酸。欲吐不吐。小洩短少。便不暢行。脈象濡軟。良由久病脾胃氣虛。不能運旋。水穀之氣不能變化。清濁不克分滲。用介賓先生五君子煎以補脾胃而振中陽。參分化清濁。以觀動靜。

吉林參 一錢 雲茯苓 四錢 炙甘草 七分 炒於朮 二錢 淡乾薑 七分 來復丹 一

錢五分 藥湯送下



二診 溫運脾胃而分清濁。痛脹不退。欲吐不吐。胸中有窒悶莫名之狀。大便不行。小洩澀少。脈沉細微數。舌紅前半少苔。停飲日聚於上。胃液日耗於下。攻之不行。執是之故。木爲水子。用剛體柔營液。既虛則木失涵養。橫暴之氣挾痰攻衝脾胃。皆受其困。再養營液。參苦辛酸以制強肝。冀其氣平而痰飲默化。

乾菰蓉

三錢

炒黃肉

二錢

製半夏

一錢五分

甘杞子

三錢

茯苓

三錢 白芍 土炒二錢

安胃丸

三錢

分二次服

三診 痰飲結聚於上。肝氣縱橫於下。以手探吐。痰出略舒。而仍腹滿作脹。經謂濁氣在上則生膈脹。又謂在上者因而越之。姑再遵此立方。

炒於朮

二錢

陳皮

二錢

石菖蒲

一錢五分

川朴

二錢

生熟草

各三分

廣藿梗

四錢

六味研末每服三錢

甜瓜蒂

一兩

赤小豆

一兩

二味微炒黃色研細另服

三錢均開水調送下

四診 肝氣挾飲內阻。吐出痰涎甚多。所有痰飲當從湧出。而胸膈仍然不舒。

噫出腐氣。脈象濡弱。良由屢次挖之使嘔。胃中之氣陰。安得不虧。穀氣不能變化。釀爲腐氣。未可漫投消導。用金匱大半夏湯。以通補陽明。而推揚穀氣。參重以鎮逆。鹹以軟痞。

吉林參

八分

代赭石

四錢

蜜炙乾薑

三分

炙甘草

五分

製半夏

二錢

旋覆花

三錢

炒木瓜皮

一錢五分

橘白

一錢

南棗

三枚

白蜜

一錢五分

入煎

朱左 停飲感寒復發。由脘痛而致嘔吐。間日必發。發則脘中不舒。或覺作痛。

嘔出涎水。方得暫舒。胃無通降之權。飲食因而遞減。肌肉因而消瘦。脈象沉弦。舌苔白膩。中心浮濁。水飲不化。陽氣不能旋運。擬分化清濁。兼通胃陽。

製半夏

三錢

茯苓

五錢

大腹皮

二錢

廣皮

一錢

乾薑

鹽水炒五分

白薏仁

五分

公丁香

三分

猪苓

二錢

來復丹

一錢五分

開水先送下

二診 分化清濁。藥進之後。嘔出涎水甚多。此病聚於中。不能不出者。既嘔之後。至今三日。食未反出。藥病不可謂不投。水飲之氣。非溫不化。再參馬元儀法。



上搖桂 五分去粗皮藥汁另煎製半夏 二錢 雲茯苓 五錢 公丁香 三分 淡乾薑 七分

大腹皮 二錢 建澤瀉 一錢五分 淡吳萸 五分 來復丹 三錢 開水先送下

三診 嘔吐暫定而水氣不化。中陽不旋。中脘作痛。脈沉細。苔白質膩。溫理中陽。固是定局。然水飲盤踞。陽氣何由得宣。再從溫化之中。稍寓攻逐之意。

淡吳萸 五分 陳皮 一錢 茯苓 四錢 大腹皮 二錢 製半夏 二錢 公丁香 三分 淡

乾薑 七分 白蔻仁 六分研後入 製香附 二錢 上沉香 三分 黑丑 四分 二味研細

末生薑湯分二次下

四診 溫理中陽兼逐飲邪。陽氣轉旋。脘痛已止。然正氣暗虧。氣不得化。小溲不暢。再參扶持中氣。以期氣化則水溼亦化。

吉林參 八分另煎沖 茯苓 四錢 川桂枝 六分 白蔻仁 六分研後入 淡乾薑 七分 澤

瀉 一錢五分 公丁香 三分 高良薑 五分 老薑 二片

改方仍嘔 良姜 七分 廣皮 一錢 公丁香 三分 製半夏 二錢 製香附 打三錢 乾

姜七分 白蔻仁 後入六分 茯苓 四錢 上沉香 三分 黑丑 三分 二味全研細末先服
五診 飲阻於中。復經吐下。脘痛已止。然小溲未暢。水難外泄。恐飲再停聚。宜
分化清濁。再利膀胱。以開支道。

製半夏 二錢 茯苓 四錢 乾姜 六分 建澤瀉 一錢五分 台白朮 二錢 陳廣皮 一錢

薄官桂 六分 公丁香 三分 木猪苓 二錢 老薑 一錢 來復丹 一錢 開水先服

六診 嘔吐未作。胃納漸增。然中脘時仍作痛。大便六日不行。脈形沉細。脾爲
陰土。主健運而惡溼。今水久停。則脾土不能運旋。府氣因而阻痺。當再通陽。

製半夏 二錢 白蔻仁 六分 製香附 二錢 澤瀉 一錢五分 雲茯苓 五錢 丁香 三分

乾姜 五分 猪苓 二錢 老姜 一錢五分 半硫丸 一錢五分 先服

七診 助陽氣以資鼓舞。旋運大便通行。然水飲之氣旋去。旋停皆因脾胃之
陽久爲困遏。不克轉旋。溫中蠲飲。參以分利。

製半夏 三錢 丁香 三分 白蔻仁 五分 建澤瀉 一錢五分 雲茯苓 五錢 淡吳萸 八分

廣橘皮 一錢 木猪苓 二錢 老薑片 二錢 公丁香 二錢另研 飯丸薑湯送下

八診 水飲根蒂未除。旋去旋停。得嘔始寬。燥土利溼。可以通陽。而不能撤停。水乘元氣未漓。而為攻逐。叔濤先生所見相同。即行照用。

川桂枝 七分 茯苓 六錢 製半夏 二錢 橘皮 二錢 淡乾薑 七分 白朮 二錢 大腹

皮 二錢 生甘草 二分 控涎丹 一錢薑湯下

九診 水飲既去。中氣不足。旋運不及。去者自去。停者自停。病至則攻。病去則補。

川桂枝 七分 製半夏 二錢 大腹皮 二錢 公丁香 二分 茯苓 三錢 川朴 一錢 老薑

一錢五分 控涎丹 五分 薑湯先服

又診 水行後另服補方

吉林參 一錢五分 炙上蒼 二錢 桂枝 七分 川椒目 四分 木猪苓 二錢 炒於朮 二錢

乾薑 七分 茯苓 五錢 赤石脂 一錢研末飯糊為丸先服

毛向有肝氣舊恙。秋季肢厥。胸悶頭暈。有似發痧。蓋氣道閉塞。陽氣上升。卽肝木勃動之先聲也。平復未久。忽復身熱腹痛。右半胸腹尤甚。當臍堅硬跳動。纏綿已久。咳嗽痰多。經日盈碗。今痛勢雖定。而偏右尙覺不舒。所最甚者。中宮窒塞。穀食難容。大便不解。六脈濡軟。沉候俱弦。右關尤甚。寸細尺沉。左尺小濇。此肝木縱橫挾內伏之痰飲。乘於土位。肝藏居左。而土位居右。木既乘土。所以痛甚於右也。中脘屬胃。胃爲戊土。臍居一身之中。亦土位也。金匱當臍動氣有水邪干土之例。正與痰飲一層吻合。夫土中之木。卽氣也。氣乃無形之物。飲爲有質之邪。事楚事齊。則是有形者急。無形者緩。欲治有形。可攻可下。可燥可劫。但可施之於壯實之軀。斷難施之於尺脈小澀之體。今食喜暖熱。舌苔薄白。而色淡質膩。長沙云。飲家當以溫藥和之。差飲爲陰邪。陰霾閉塞。非陽光煦照。安能霧散。雲收。况胃爲陽土。水穀至此。頃刻卽消。吾身之一丹竈也。今氣停於。是痰停。於是飲停。於是然則水穀之海。豈是停氣。停溼。停痰。停飲之所。特溫以。

煦之。其氣既虛。血亦不足。剛燥之品。未免傷陰。擬用長沙瓜蒌薤白湯出入。取辛潤滑利。以開胃陽。而辛溫大熱之品。另製爲丸。飛渡上焦。免致傷液。藥能應手。尙有可爲。特氣弱年高。勝負之數。不能預決耳。管窺所見。尙乞高正。

薤白頭

三錢

製半夏

二錢

霞天曲

炒一錢五分

瓜蒌仁

五錢 姜汁炒 研廣皮一錢五分

雲茯苓

三錢

煨白蠋螺殼

二錢

生薑汁

兩茶匙 冲

上瑤桂

三分

研細末飯包丸

姜湯送下

服藥前先服白酒一小杯。藥後再服一杯。

二診 伐肝通陽。臍腹之痛大減。中脘痞脹略鬆。稍思納穀。大便暢行。然每至食後。中州仍覺不舒。數日之間。先寒後熱者。再以膽主開合爲肝之外府。藏病於內。府應於外。則開合爲之失度。膽病實肝病也。高年久病。斷無破泄之理。然食能知味。非無胃也。食入必脹。土中有木也。木在土中。則有胃若無胃矣。胃府以通爲用。又肝無補法。前人謂瀉肝。卽所以補肝。則是破泄一層。未便過餒。今右尺脈較前稍起。左關仍弦。沉候尙覺有力。伐肝瀉木。雖經病久。尙在急需。擬



從辛通之中。參以化痰調氣。正之。

半夏曲 二錢 炒枳殼 一錢 廣皮 一錢 茯苓 五錢 白蒺藜 去刺炒三錢 白芍 土炒一錢五分

圓圖砂仁 四分 鹽水炒後入 野薔薇花 七分 礞羅子 磨冲四分 薤白頭 三錢 上搖桂

五分研末飯丸姜湯分兩次送下

翁媼 痰飲內阻。肺氣失降。咳嗽痰多氣逆。臥着尤甚。食入脹滿。脈象沉弦。舌苔白膩。宜溫開飲邪。用重藥輕服法。

麻黃 蜜炙後入三分 淡乾姜 三分 北細辛 二分 長牛膝 鹽水炒三錢 白芍 酒炒一錢 桂

枝 三分 五味子 同乾薑打四粒 炙草 三分 茯苓 三錢

二診 辛溫以開太陽。喘欬稍輕。痰略見少。再用三子養親湯。以溫肺蠲飲。

白芥子 研五分 生萊菔子 二錢 廣橘紅 一錢 炒於朮 一錢五分 淡乾姜 三分 五味子 四

粒同打 炒蘇子 三錢 茯苓 三錢 炒枳殼 一錢 製半夏 錢五分

陳左 素體溼盛。日前感受風寒。致風在於上。濕襲於下。上為咳嗽。下為足腫。

茲則寒溼之邪蔓延及上。遂令中脘痞滿。胸中作痛。中州格截。上焦之氣盡壅於上。不能下降。日來咳甚。氣升不能着臥。痰多成塊。肌膚帶腫。面色黃浮。脈細沉絃。舌苔薄白。三焦升降之機悉爲寒痰所阻。深恐升降不通而喘甚致脫。不得不爲預告也。勉擬開降上中作背城之一戰。

甜葶藶 橘紅 蘇子 連皮苓 枳實 川朴 製半夏 連皮枳 砂

仁 沉香 三分 黑丑 三分 皂莢子 一分 後三味另研末調服

陳左 肺有伏寒。欬綿不止者。已經兩載。去秋復感涼燥。咳遂日劇。氣逆不平。不能着枕。數日以來。更帶中脘作痛。小腹胀滿。大便六日不行。脈形弦滑。苔白口膩。此痰氣交阻。土滯木鬱。肝木從而不平。深恐元氣難支。

薤白頭 製半夏 新會皮 白蒺藜 縮砂仁 製香附 炒枳殼 雲

茯苓 瓜蒌仁 姜汁炒研 上搖桂 四分飯九分兩次服 沉香化氣丸 四錢絹包入煎

朱左 停飲凝痰。聚於胃府。胃府之氣升多降少。五七日輒嘔粘痰涎水。二便

不利。脈象沉絃。夫痰之與津。本屬同類。清氣化。則隨氣佈而上。供清氣。不化。則液滯。爲痰。而中阻氣之化。與不化。悉視脾陽之轉運。何如。所以金匱有飲家當以溫藥和之之例也。然剛燥之藥。多服劫陰。攻逐之劑。正虛難任。惟有分其清濁。使清津上升。濁液下降。雖難霍愈。或可減輕耳。

製半夏

二錢

雲茯苓

八錢

老生薑

一錢

來復丹

一錢藥汁送下

二診 用半夏茯苓湯。以行水降胃。兼進分利清濁之品。清升濁降。所以不治嘔而嘔自止。不攻蕩而便自行。惟中脘時有上湧之意。痰氣未能悉化。前法稍爲擴充。

製半夏

三錢

雲茯苓

一兩

薤白頭

三錢

老薑

四錢

來復丹

一錢藥汁送下

王左 昔肥今瘦。病發則吐嘔痰水。傾盆而出。嘔至竭盡。往往微喘而帶出紫血。夫飲食不爲肌膚。而凝聚痰水。及時而發。其爲蓄飲。略見一斑。惟是痰飲之證。都成於中氣虛微。脾陽不運。夫既陽虛氣弱。何至嘔輒見紅。若謂陽明爲多。

氣多血之鄉。嘔動胃絡。而血從絡溢。亦頃刻間耳。何至隨動隨出之血。而輒變紫瘀哉。先哲有言。人受氣於水穀。水穀之氣流則爲津。爲液。滯則爲飲。爲痰。蓋流者。氣化之流。滯者。氣化之滯也。尊體豐偉。斷非陽虛之比。參諸脈象。左部柔和。右部沉絃而滑。此由肝木之氣失於條達。木鬱則土滯。土滯而水溼。不行漸成蓄飲。嘔則胃逆。胃逆則肝藏鬱勃之氣。挾火衝胃。胃絡之血。溢出以經。火爍色卽變瘀。此實飲病而兼木鬱者也。主治之法。金匱云。心下有支飲。小半夏湯主之。又云。嘔吐心下痞。膈間有水。悸眩者。小半夏加茯苓湯主之。蓋取半夏散結除溼。茯苓益脾消水。生薑利氣止嘔。今以此方爲君。以半夏厚朴湯分其濁氣。下出而爲之臣。參入橘皮疏胃。合以上諸藥。卽寓二陳之意。而爲之佐。氣降卽火降。參入沉香調和中氣。降氣平肝。而爲之使。二十劑後。則於晚間服本方。清晨服香砂六君子丸三錢。以微顧其本。當否正之。

製半夏

二錢

上川朴

四分

橘皮

一錢

雲茯苓

四錢

磨蘇梗

三分

磨沉香

二分



生薑汁 一茶匙沖

鍾左 心下虛悸。脈細濡而右關滑。此由痰水聚於胸中。陰濕瀰漫於下。則心陽浮越於上。長沙獨得其旨。故玉函經中。一則曰心下悸者爲有水氣。再則曰水停心下。則心下悸。近醫每以心營不足目之。未知聖訓耳。

製半夏 一錢五分 炒杏仁 三錢 雲茯苓 四錢 橘皮 一錢五分 薤白頭 三錢 瓜蒌仁

炒研三錢 生薑汁 二匙沖

某 胃有停飲。胃陽不展。至暮輒作嘔吐。脈象沉絃。恐延反胃之證。

製半夏 淡吳萸 猪茯苓 橘紅 老生姜 白寇仁 太乙丹 伏龍

肝 煎湯代水

某 中脘漉漉。不爲嘔吐。卽爲泄瀉。飲停胃府。不入虎穴。焉得虎子。

製半夏 三錢 廣陳皮 一錢 公丁香 三分 大腹皮 二錢 淡吳萸 四分 上搖桂 四分

雲茯苓 三錢 控涎丹 一錢 姜湯送下

二診 瀉水甚多。中州稍舒。然仍食入噯氣。再溫中助陽。

上安桂 五分 橘皮 一錢 製半夏 一錢五分 茯苓 四錢 猪苓 二錢 淡乾薑 炒黃五分

吳萸 四分 公丁香 三分 澤瀉 二錢 大腹皮 二錢

丁左 停飲雖未復發。然胃失通降。上焦之氣火不能下行。以至痰紅鼻衄。欲化其在。上之熱。當祛其在。下之寒。

製半夏 一錢五分 公丁香 三分 炒枳實 一錢 白蔻仁 研後入七分 雲茯苓 四錢 陳

廣皮 一錢 大腹皮 二錢 薑汁炒竹茹 一錢 伏龍肝 一兩煎湯代水

李右 中脘不舒。按之漉漉。於結聚之處。自覺寒冷肢厥。頭面畏風。脈象沉絃。此由寒飲停於胃府。陽氣窒塞。不宣。陽氣所不到之處。卽畏風厥逆之處也。症屬停飲。飲家當以溫藥和之。

川桂枝 廣皮 木猪苓 炙黑草 白蒺藜 製半夏 茯苓 淡乾薑

焦白朮 大腹皮

劉左 痰飲根深。脾陽不運。津液凝滯。釀痰阻於肺下。發則喘咳。肺氣不降。甲木上逆。眉稜骨痛。脈象沉細濡軟。飲家本當以溫藥和之。但本質既虧。未便過投猛劑。疎理痰氣。取其減輕。勿期霍愈可耳。

製半夏 二錢 炒蘇子 三錢 陳膽星 四分 炒枳殼 一錢 白金丸 三分 廣橘皮 一錢

煨天麻 一錢五分 白茯苓 三錢 白前胡 一錢五分 旋覆花 包一錢五分

江左 三瘡之後。脾陽損傷。以致運旋不及。釀溼生痰。蘊於胃府。水火交通之道阻。而爲脘痞不寐。肺氣欲降不得。時易氣逆。肢體疲軟少力。治宜化痰和中。

製半夏 二錢 枳實 八分 澤瀉 一錢五分 杏仁泥 三錢 白蒺藜 三錢 野於朮 一錢五分

茯苓 四錢 廣陳皮 一錢 薑汁炒竹茹 一錢二分

王左 久咳痰多。數日來中脘結聚有形。食入痞阻。痰喘氣逆。脈象沉絃。舌苔淡白。此帶病感寒。寒濕痰交阻肺胃。大節在邇。有喘脫之虞。用金匱桂枝加厚朴杏子湯。